

АҚПАРАТТЫҚ ХАБАРЛАМА

2017 жылғы «27» желтоқсан

Зейнетақы активтерінің көлемі тұрақты өсіп жатыр

2017 жылғы 1 желтоқсандағы жағдай бойынша зейнетақы жинақтарының жалпы сомасы 7,67 трлн теңгені құрап, жыл басынан бері 980 млрд теңгеге артты. Яғни, жыл басынан бергі өсім шамамен 15 пайызды құрады. Бұл өткен жылдың сәйкес кезеңімен салыстырғанда жоғары. Нақты айтар болсақ, 2016 жылдың 11 айы ішінде зейнетақы активтерінің өсімі 14 пайызды құрады», - деді бүгін брифинг барысында «БЖЗК» АҚ Басқарма төрайымының орынбасары Сәуле Егеубаева.

Активтердің өсімі бірінші кезекте зейнетақы жарналары көлемінің артуымен қамтамасыз етілді. Ағымдағы жылдың 11 айы ішінде Қорға 678,6 млрд теңге келіп түсті. Бұл өткен жылдың сәйкес кезеңімен салыстырғанда 8,6 пайызға жоғары. Естеріңізге сала кетелік, 2016 жылдың қаңтар-қараша айлары аралығында Қорға 624,7 млрд теңге көлемінде зейнетақы жарналары келіп түскен болатын.

Сондай-ақ зейнетақы жинақтары инвестициялық табыс есебінен де өсті. 2017 жылдың 1 желтоқсанындағы жағдай бойынша жыл басынан бері салымшылардың жеке зейнетақы шоттарына үлестірілген таза инвестициялық табыс сомасы 495,5 млрд теңге болды. Бұл өткен жылдың сәйкес кезеңімен салыстырғанда 2,3 пайызға жоғары.

2017 жылдың 1 қаңтарынан 30 қарашасына дейінгі кезеңде зейнетақы активтерінің табыстылығы 7,15 пайызды құрады. Осы кезеңде инфляция деңгейі 6,3 пайыз болды.

БЖЗК 2013 жылғы 22 тамызда «ГНПФ» ЖЗК» АҚ негізінде құрылды. БЖЗК құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗК зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді. Зейнетақы заңнамасына сәйкес БЖЗК міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗК» АҚ баспасөз орталығы
БАҚ үшін байланыстар: press@enpf.kz